



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿՈՏԱՅՔԻ ՄԱՐԶԻ
ԱՐՈՎՅԱՆ ՀԱՄԱՅՆՔԻ ԴԵԿԱՎԱՐ**

ՀՀ Կոտայքի մարզ, ք. Արովյան, Բարեկամության հր.-1, 2201, հեռ. (0222) 2-03-65, (060) 447-000, էլ. hmayt abovyan.kotayq@mta.gov.am

23-ը օգոստոսի 2023թ.

**Արովյան համայնքի ղեկավար Էդուարդ Բաբայանի
շնորհավորական ուղերձը օգոստոսի 23-ի՝ ՀՀ անկախության
հռչակագրի ընդունման օրվա առիթով**

1990թ. օգոստոսի 23-ը վճռորոշ, կարևոր ու հիշարժան ամսաթիվ է. այս օրը միասնական կամքով, հայրենի շուրջ լույս իղձերով համակված՝ հայ ժողովուրդը հաստատեց ազատ, ինքնիշխան պետություն ունենալու անհրաժեշտությունը: Սիրելի՛ հայրենակիցներ.

Հայաստանի Հանրապետության անկախության հռչակագրի ընդունման օրվա առիթով շնորհավորում եմ բոլորիս: Հայկական ԽՍՀ-ն վերանվանելով Հայաստանի Հանրապետություն՝ մենք վճռեցինք միասնաբար անցնել բարդ, բայց և պատվաբեր ու պետականաշեն գործընթացների միջով:

Անկախության 33 տարիներին գրանցել ենք և՛ առաջընթաց, և՛ բազում խնդիրներ. այսօր, ստեղծված իրավիճակում մեր գերակա խնդիրներից է Արցախի պաշարման դեմ պայքարը և շուրջ ինը ամիս շրջափակման սուղ պայմաններում ապրող արցախահայության անվտանգության և իրավունքների պաշտպանությունը: Մենք պետք է միահամուռ ուժերով հաղթահարենք հայ ազգի առջև ծառացած խնդիրները, ինչպես վարվել է ավագ սերունդը 90-ականներին:

Հարգելի՛ հայրենակիցներ.

Այսօր, առավել քան երբևէ, մեզ պակասում է համագգային գաղափարական միասնությունը, հայրենասիրական ոգին ու համախմբվածությունը: Խորհրդանշական օրվա՝ օգոստոսի 23-ի առիթով կրկին շնորհավորելով՝ Հայաստան և Արցախ աշխարհին մաղթում եմ ուժ և միասնականություն, խաղաղություն և բարօրություն:

ՀԱՄԱՅՆՔԻ ԴԵԿԱՎԱՐ

Է. ԲԱԲԱՅԱՆ